

用長春真人韻

憶當時穎脫道情濃世緣疎愛古洞深溪蒼松翠柏萬景齊敷
箎瓢粗爲遣日樂貧閒况味勝尊鱸千古昏昏醉夢廓然一旦
樵蘇 瑤圖寶籙幽微精勤佩未嘗辜慶靈艷昭昭心花燦燦
並沒凋殂威雄猛持慧劍屏三尸六賊泯狂徒永保胎仙出入
往來紫府清都

又

嘆滔滔苦海任羣迷恣漂游被有限形軀無涯愛慾一向拘囚
空生萬千計較况百年短景不常留貪爲名深利切豈期水遠
山悠 如流歲月相催宜省悟覓抽頭向太一峯前雙林樹下
早把心收從來旣知是錯待黏黏放下便休休撒手縱橫無礙
狀同不繫之舟

洞仙歌

述懷

道家門戶寂淡清虛好榮耀矜誇自無擾向午窗披玩道德南
華除此外閒弄絲桐一操秋光未老錦樹屏山繞適性攜筇任
登眺對茫茫鯨海觸日琉璃天一色何必搜窮密妙待他年功
滿化飛仙赴烟浪雲濤直趨蓬島

示門人

修行日用試與重提領本爲拋家顧性命下虔心苦志挫銳摧

道藏輯要

草堂集

三

昇集七
川川文

強忘寵辱自得神安氣足黏黏境上猿馬休教弄稍覺偏頗便
改正向聞中鍊就一粒金丹成片段萬道霞光輝映有青龍白
虎共扶持遍三界十方盡來稱慶

九日

風高露冷又報重陽候過雨羣山倍明秀正披巖紅葉接徑黃
花堆錦繡鳥鳥清香依舊凝神望久思入無何有回首溪邊聽
長溜念人生如夢世事無涯空汨沒爭似吾家拂袖據盤石容
膝坐忘機看天末飄飄斷雲歸岫

又

素天澄徹時令秋將暮志尚清虛寄巖合看雲中征鴈列序成

道藏輯要

草堂集

三

鼎集七

行續復斷迤邐呱呱南度忘情真侶共講玄玄語猶勝塵凡奮
名譽待欣來舞袖睡卽和衣全放下管甚紅輪西沒霎時間一
枕夢游仙覺來也重行錦屏深處

達虎部落游仙觀醮畢眾人索

游仙一境上下川原秀背負高岡面長溜看峯排千刃地占三
陽佳氣聚相接居民淳厚黃童白叟信道崇真人同啟哀誠薦
枯朽命簪裳膳奏列聖高真頌惠渥符下宣恩赦宥釋幽塗苦
爽悉停酸保見在家家共沾福佑

昭君怨

贈女姑蕭敬善等